



Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1844

XVI. Der Rath der Stadt Wusterhausen gelobt dent Claus Friese und dessen Erben, die Hebungen , welche Graf Albrecht ihm aus der Urbede zu Wusterhausen verkauft habe, bis zum erfolgenden Rückkaufe ...

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

horde des eddeln und wolgebarn Herrn, Herrn Albrechte, Graven van Lindow und Herrn tho Ruppin, vnfers gnedigen Herrn, recht und redelicken verkofft hebben, und verkopen in Kraft deses brieves tho eynem ewigen Kope, den erfamen Borgermeistern und Rathmannen tho Wusterhufen dat Land, Water, Holte, Weyde gewonnen unde ungewonnen, wu me dat numen schal, dat dar gheidt van der Klempenouwische Lake an, wente an den negeften Gravn, mit aller Freiheid und Rechteiden, nictes utgenamen, so als dat unse Olderen und wie gehed hebben, und als wie dat mid en uthgeredet hebben, als nemlicken von dem Buholte an wente in die Doffe, dat dat die Markscheidinge bliven schal, tho ewigen tyder. Vor dyt vorsehreven Land, Water, Holte, unde Weyde gewonnen und ungewonnen hebben uns die vorsehrevene Borgermeister unde Rathmann to Wusterhufen, als nemliken Clawes Matzen, Jacob Fedeler, Arnd Mefsmacker, Hans Rogelin, Cone Schonermarke, Clawes Kerwedder, Cöne Lieffeld und Hans Akmann gegeben virtich Schock wanliker Munthe, twe Pund vor jewelik Schock to reken, dy sie uns wol to Dancke an einer Summen bereidet und vernuget hebben, Die wy vort in unse nud und framen gekeret hebben: und solen sik des Landes, Water, Holte, Grafynge und Weyde gewonnen und ungewonnen bruken to ewygen Tyden: Und willen en des eyn recht Gewer wesen, vor uns, unse Erven und vor eyn yedermann, dy vor recht kamen wil, wu waken en des behuff und nod ys. Hyran und over syn gewesen Clawes Mefenberch und Clawes van der Lynden. Det to grotter Bekanntnisse hebben wir vorsehreven Heinrich, Heyne, Heyne und Clawes, alle genand dy Rathenow, unse Ingefegel mid wisschopp und guten Willen hengen laten an dessen unsen apen Brieff, dy gegeben ys tho Wusterhufen, nach Borth Cristi vierteyn hundert darnach in dem vieff und viertegiften Jaren, am Sunthe Johannes Daghe medden Samer.

Nach Dieterich a. a. D. S. 95. 96.

XVI. Der Rath der Stadt Wusterhausen gelobt dem Claus Frieße und dessen Erben, die Hebung, welche Graf Albrecht ihm aus der Urbede zu Wusterhausen verkauft habe, bis zum erfolgenden Rückkaufe richtig abzuführen, im Jahre 1450.

Wy Arnt Meftmeker, Clawes Kerwedder, Hans Raghelin, Clawes Kruse, Cone Reefelt, Ghise Kabbutz, Jacob Veddeler unde Balte Wagenitze, In dessem gegenwardighen jare Radmanne der Stad Wusterhufen, Betughen unde bekeunen vor alle den ghenen, de dessen breff seen edder horen lesen, Dat wy ghelavet hebben unde gelaven myt orkunde des gegenwardigen breves deme vorsichtigen Manne olde Claws Frysen unde synen rechten erven to ghevende unde wol to bereydende alle jar ane XX groschen III schok jarliker renthe, twe pund vor eyn schok wanlikes geldes, alse in deme lande to Ruppin ghenghe unde gheve is, alle jar to bereydende, XX Kroschen unde en schok uppe sunte Walburghes daghe unde XX Kroschen unde en schock uppe sunte Mertens daghe, de wyle dat dosse Koep steyt, van unseme Radhuse unfer vorbenomenen Stad Wusterhufen, van unses gnedigen heren wegen, Heren Albrechte, greve van Lindow unde Here to Ruppin, uth syner orbode, de em Clawes Fryse ave ghekoft heft vor achendich ghude Rinsche gulden, de em Clawes Fryse tor nughe wol bereydet heft. Desfulven bescheyden kopes heft unse gnedige Here enen wedderkop beholden. — Ok est Clawes Fryse den summen goldes edder renthe vorgehen wolde to testamente, edder wo der mathen hy dat gheve by syneme levende edder in syne

lesten, Den schole wy em dat na gheven alse vor. Dat wy vorgeschreven Radmanne unde unse nakamelinge des Rades alle dossē vorsehreven stücken stede unde vaste holden scholen unde willen sunder jennygerleyge vortoch, Des hebbe wy to tughe unde merer bekantenisse unser Stad groteste Ingefeghel myt willen unde witschop an doffen apen breff laten henghen, De ghegeven is unde ghescreven is na der bort Cristi 1450, am Sonavende vor Palmen.

Aus Bratring's handschr. Urf.-Sammlung.

XVII. Graf Joachim verkauft der Stadt Wusterhausen erblich die dem Rathe von seinem Vater verpfändete Hälfte des niedersten Gerichtes, im Jahr 1503.

Van Gots Gnaden wy Joachim, Grave thu Lindow, Herr thu Ruppin und Möckern, bekennen apenbare vor uns, unsen Erven oder Erfnehmen, und allen deses Briefes ansichtigen, So die wolgebarn unse live Herr Vader loveliger gedechtnisse den Erfamen unsen liven getrwen Borgermeistern, Rattmannen und unser gantzen Stadt Wolsterhufen, die Helfste thu deme sydesten Gerichte, was unser Herschap thu wedden und bracken darvon vallen muchte, vor etlichen Jaren vorpandet, dat wy mit denfulwigen zu anliggenden unsen schafften, so wy die Goldbecke wedder ahn uns brengen wolde, thu wider handel gekamen, also dat wy nach grüftligen radtschlagenden unser trwen Rade den gemelten Borgermeistern, Rattmannen und unser Stadt Wusterhufen und eren Nhakamelingen thu einen ewigen erfiligen Kope verkofft heben, und gegenwardigen in Kraft deses unfers Brifes vorkopen die Helfste thu sydeiten Gerichte darfulwes*) dergestalt, dat wy vor uns oder unfer Erven darahn neynerleye Gerechtigkeit beholden**), darmit sie, wu die Billigkeit fordert, und sick im rechte wol eygendt, vor uns, unfer Erven und einen jedermann nha orhend gefallen unvorhindert handelen mogen, und dat so ofte des van noden sy, van unfer Herschap entfangen. Vor sodan***) unse Gerechtigkeit hebben uns dieselvigen Borgermeister und Rattmanne thu Wusterhufen thu eynen Suhmen drie hundert viff und teventich Rinsche Gulden thu danckbarligen gefallen boreitet und vornuget, der wy ehe in kraft deses Briwes quoydt los und wolbetalet seggen, und vorder, wy ufgemeldt, in unsem, unfer Herschap und unfer Erven Nuth und framen gewant hebben. Sulches Kops wil wy ihn vor uns, unfern Erven oder Erfnehmen thu allen recht eyn gudt gewer syn, sy darby thu aller Billigkeit thu schütten und handhaven. Hir thu und aver synd gewest die werdigen und düchtigen unfer Rade und liven getrewen Herr Niclaves Brafecke, Parher †) thu Niyen Ruppin, Claws van Gulen ††), Claws Metzmaker, Tyle Sandow, Henning Bassuthe und Richardus Randow unse Sriver, thu groter bevestynghe mit unfern grotesten anhangenden Ingesigel becräftiget, geschehen in ofsmelter unfer Stadt Wusterhufen, nha Christi unfers liven Herrn gebort vestteyn hundert und drie Jare, ahn Sundaghe Jubilate.

Dieterich a. a. D. C. 126. 127.

*) Dieterich: darfulwes **) — beholden ***) — den †) — Parhe ††) — Guten.